

ԱՐՁԱՆԱԳՐՈՒԹՅՈՒՆ N 1

ՀՈՒՄԱՆԻՏԱՐ ԳԻՏՈՒԹՅՈՒՆՆԵՐԻ ՖԱԿՈՒԼՏԵՏԻ ԳԻՏԱԿԱՆ ԽՈՐՀՐԴԻ ՆԻՍՏԻ

31.08.2021

Ք. Բջևան

Նախագահ՝ Կ. Պ. Պողոսյան

Քարտուղար՝ Վ. Ա. Աղաբաբյան

Հումանիտար գիտությունների ֆակուլտետի խորհրդի նիստին մասնակցում էին գիտական խորհրդի բոլոր անդամները:

ՕՐԱԿԱՐԳ

1. Ֆակուլտետի 2021-22 ուստարվա նախապատրաստական աշխատանքների քննարկում: /Զեկուցող՝ Կ. Պողոսյան/
2. Արտակարգ դրության պայմաններում ֆակուլտետում նախատեսվող լսարանային և հեռավար կազմակերպվելիք դասընթացների քննարկում: /Զեկուցող՝ Կ. Պողոսյան/
3. Ֆակուլտետի գիտական խորհրդի կազմի և 2021-2022 ուստարվա աշխատանքային պլանի քննարկում և հաստատում: /Զեկուցող՝ Կ. Պողոսյան/
4. Ֆակուլտետի անվանական կրթաթոշակի թեկնածուների առաջադրման և հաստատման մասին: /Զեկուցող՝ Կ. Պողոսյան/
5. Առաջին լուծարքային քննաշրջանի անցկացման մասին: /Զեկուցող՝ Կ. Պողոսյան/
6. Ընթացիկ հարցեր:

ԼՄԵՑԻՆ.

Օրակարգի 1-ին հարցի վերաբերյալ զեկուցեց ֆակուլտետի դեկան Կ. Պողոսյանը: Զեկուցողը հանգամանորեն ներկայացրեց 2021-22 ուստարվա առաջին կիսամյակի նախապատրաստական աշխատանքների ընթացքը: Առաջին հերթին նա ներկայացրեց ֆակուլտետի դասախոսների 2021-22 ուստարվա առաջին

կիսամյակի ուսումնական բեռնվածությունները: Զեկուցողը նշեց, որ դասախոսները պետք է սեղմ ժամկետում ամփոփեն ներկայացնեն առարկայական փաթեթները:

Դեկանը նշեց, որ ուսումնական պարապմունքները կսկսվեն սեպտեմբերի մեկից՝ առկա և հեռավար տարբերակներով: Արդեն պատրաստ են առաջին կիսամյակի դասատախտակները, գարնանային քննաշրջանի 1-ին լուծարքային շրջանի գրաֆիկները:

ԱՐՏԱՀԱՅՏՎԵՑԻՆ.

Բ.գ.թ. դոցենտ Վ. Ավագյանը, պ.գ.թ., դոցենտ Ն. Գրիգորյանը, բ.գ.թ., դոցենտ Լ. Թումանյանը:

ՈՐՈՇԵՑԻՆ.

2021-2022 ուստարվա առաջին կիսամյակի նախապատրաստական աշխատանքների ընթացքը գնահատել բավարար:

ԼՍԵՑԻՆ.

Օրակարգի 2-րդ հարցի վերաբերյալ զեկուցեց ֆակուլտետի դեկան Կ. Պողոսյանը: Նա նշեց, որ համավարակի պայմաններում առաջացած արտակարգ իրավիճակների պայմաններում նախատեսվում են դասերը կազմակերպել հիբրիդային եղանակով՝ լսարանում և Zoom հարթակով: Զեկուցողը նշեց, որ ամփոփումներում իրականացվել են քննարկումներ, և կիսամյակի ընթացքում պարապմունք առարկաներն արդեն խմբավորվել են: Լսարանում նախատեսվում են իրականացնել դասընթացների զգալի մասը, իսկ որոշ դասախոսություններ՝ հեռավար: Այսպես՝ ամբողջապես Zoom հարթակով են իրականացվելու հետևյալ դասընթացները՝ «Սոցիալական հոգեբանություն», «Կրթության հոգեբանություն» (դասախոս՝ հ.գ.դ. Ս. Գևորգյան), «Մայրենի լեզվի դասավանդման մեթոդիկա-2» (դասախոս՝ մ.գ.դ. Զ. Գյուլամիրյան), «Անգլերեն -7 թոյֆլ», «Բիզնես անգլերեն» (դասախոս՝ բ.գ.թ. Գ. Մադոյան), «Սեռի հոգեբանություն» (դասախոս՝ հ.գ.թ., Ս. Պողոսյան): Բացի նշվածներից, կան նաև դասընթացներ, որոնց ժամաքանակի մի մասն է իրականացվելու Zoom-ով՝ պայմանավորված դասախոսների հերթափոխների խնդիրներով: Այդ դասընթացներն են՝ «Օտար լեզվի պատմություն» (դասախոս՝ բ.գ.թ. Ա. Չուբարյան), «Անձի տեսություններ» (դասախոս՝ հ.գ.թ. Ա. Կոբեյան),

«Հոգեախտորոշում» (դասախոս՝ հ.գ.թ. Ս. Պողոսյան): Նա նշեց, որ արդեն իսկ պատրաստ են դասացուցակները: Ամբիոնների գործավարները նախատեսվող դասընթացների մասին սահմանված ժամանակահատվածում կտեղեկացնեն պարապող դասախոսներին:

ԱՐՏԱՀԱՅՏՎԵՑԻՆ.

Բ.գ.թ. դոցենտ Վ. Աղաբաբյանը, պ.գ.թ., դոցենտ Դ. Թինոյանը, ք.գ.թ., դոցենտ Լ. Թումանյանը:

ՈՐՈՇԵՑԻՆ.

Արտակարգ դրության պայմաններում ֆակուլտետում նախատեսվող լսարանային և հեռավար կազմակերպվելիք դասընթացների կազմակերպման գործընթացը գնահատել բավարար:

ԼՍԵՑԻՆ.

Օրակարգի 3-րդ հարցի վերաբերյալ զեկուցեց ֆակուլտետի դեկան Կ. Պողոսյանը: Նա նշեց, որ ֆակուլտետի կառավարումն իրականացվում է ՀՀ օրենսդրությանը, ԵՊՀ ԻՄ-ի կանոնադրությանը և ֆակուլտետի կանոնադրությանը համապատասխան՝ միանձնյա և կոլեգիալ կառավարման սկզբունքների զուգակցմամբ: Ֆակուլտետի կառավարման կոլեգիալ մարմինը ֆակուլտետի գիտական խորհուրդն է, որի նախագահը ֆակուլտետի դեկանն է: Ձեկուցողը նշեց, որ ֆակուլտետի հաստիքացուցակում տեղի են ունեցել որոշակի փոփոխություններ: Բացի այդ՝ գիտխորհրդի կազմի ուսանող-անդամներից ոմանք ավարտել են ուսումնառությունը, և կարիք կա թափուր տեղերը համալրելու: Ձեկուցողը ներկայացրեց, որ ֆակուլտետի գիտական խորհուրդը կազմված է ի պաշտոնե, հրավիրյալ և ընտրովի անդամներից: Խորհրդի ի պաշտոնե և հրավիրյալ անդամների թիվը չի կարող գերազանցել գիտական խորհրդի կազմի 50%-ը: Ձեկուցողը տեղեկացրեց, որ ֆակուլտետի գիտական խորհրդի կազմի մեջ ի պաշտոնե մտնում են դեկանը՝ որպես նախագահ, ամբիոնների վարիչները, մեթոդական խորհրդի նախագահը և արհրյուրոյի նախագահը: Գիտական խորհրդի կազմում ընդգրկվում են

ֆակուլտետի գործունեության և մասնագիտությունների հետ կապված արտահամալսարանական ու արտաֆակուլտետային մասնագետներ՝ գիտական խորհրդի կազմի մինչև 20 տոկոսի չափով:

Զեկուցողը նաև նշեց, որ գիտական խորհրդի անդամների առնվազն 50 տոկոսն ընտրովի անդամներն են: Գիտական խորհրդի ընտրովի անդամների թեկնածությունները համամասնորեն առաջադրում են ֆակուլտետի կառուցվածքային ստորաբաժանումները, որոնց թիվը հաշվարկվում է ըստ տվյալ ստորաբաժանման հաստիքների գումարային թվաքանակի: Գիտական խորհրդի ընտրովի անդամներ կարող են առաջադրվել միայն տվյալ ստորաբաժանման հիմնական և ներքին համատեղությամբ աշխատողները: Նշվեց, որ գիտական խորհրդի անդամների 25%-ը սովորողներն են, որոնց ընտրությունն իրականացրել է ֆակուլտետի ուսանողական խորհուրդը և ներկայացրել վեց ուսանողների թեկնածություն:

Դեկանը նշեց, որ բոլոր ամբիոններում իրականացվել են քննարկումներ, լսել են բոլոր առաջարկությունները: Ի վերջո ֆակուլտետի գիտական խորհրդի կազմում կատարվել են հետևյալ փոփոխությունները.

1. Աղուզումցյան Ռուբեն Վազգենի- հ.գ.դ., պրոֆեսոր, կրթական ծրագրի պատասխանատու-անդամ /փոխարինել է Վաչիկ Արամայիսի Բրուտյանին /
2. Զուրաբյան Մարատ Հովհիկի – Բ.գ.թ., դոցենտ, կրթական ծրագրի պատասխանատու –անդամ /փոխարինել է Անժելա Ժորայի Այդինյանին/
3. Մարգարյան Հասմիկ Կարենի – Հումանիտար գիտությունների ֆակուլտետի ՈԻԳԸ նախագահ- Պատմություն կրթական ծրագրի 2-րդ կուրս-անդամ /փոխարինել է ՈԻԳԸ նախկին նախագահ Ալինա Կոստյայի Գրիգորյանին/
4. Վասիլյան Տաթևիկ Վարուժանի –Տարրական մանկավարժություն և մեթոդիկա 4-րդ կուրս-անդամ /փոխարինել է Միլենա Համազասպի Մելիքսեթյանին/
5. Ստեփանյան Մերի Արթուրի – Հայոց լեզու և գրականություն – 3-րդ կուրս-անդամ /փոխարինել է Գոհար Աշոտի Մխիթարյանին/

ԱՐՏԱՀԱՅՏՎԵՑԻՆ.

Բ.գ.թ., դոցենտ Վ. Ավագյանը, պ.գ.թ. Դ. Թինոյանը, մ.գ.թ., դոցենտ Լ. Հարությունյանը, Բ.գ.թ., դոցենտ Ք. Հարությունյանը, ասիստենտ Ա. Մարդանյանը: Նրանք նշեցին, որ ամբիոններում հանգամանորեն քննարկվել են ֆակուլտետի

գիտական խորհրդի նոր անդամների թեկնածությունները: Արտահայտվողները բարձր գնահատեցին առաջադրված թեկնածուների գիտական և մասնագիտական որակները:

Տեղի ունեցավ բաց քվեարկություն, որով առաջադրված թեկնածուները միաձայն ընտրվեցին:

ՈՐՈՇԵՑԻՆ.

Քվեարկության արդյունքները հաշվի առնելով՝ հաստատել Հումանիտար գիտությունների ֆակուլտետի գիտական խորհրդի նոր անդամների թեկնածությունները:

ԼՍԵՑԻՆ.

Օրակարգի 4-րդ հարցի վերաբերյալ զեկուցեց ֆակուլտետի դեկան Կ. Պողոսյանը: Զեկուցողը նշեց այն չափանիշները, որոնք հաղթահարելուց հետո ուսանողը կարող է հավակնել անվանական կրթաթոշակի, որոնք են՝ անառարկելի ակադեմիական բարձր առաջադիմությունը, պատշաճ կարգապահությունը և հասարակական ակտիվությունը: Կ. Պողոսյանն ընդգծեց, որ նշված կիսամյակում ֆակուլտետում նկատելի ավելացել է անընդմեջ ակադեմիական բարձր առաջադիմություն ցուցաբերող ուսանողների թիվը, որը բավարար հիմք է նրանց անվանական կրթաթոշակի ներկայացնելու համար:

ԱՐՏԱՀԱՅՏՎԵՑԻՆ.

«Պատմություն» մասնագիտության կրթական ծրագրի պատասխանատու Ն. Գրիգորյանը նշեց, որ ուսանողների մեջ իր առաջադիմությամբ, կարգապահությամբ և ակտիվությամբ աչքի է ընկնում 4-րդ կուրսի ուսանողուհի Նունե Քոչարյանը: Նա մշտապես ակտիվ է թե՛ դասերի ընթացքում, թե՛ հասարակական հանձնարարություններ կատարելիս, չորս կիսամյակ անընդմեջ ցուցաբերել է գերազանց առաջադիմություն, և այդ պատճառով նպատակահարմար է Նունե Քոչարյանին առաջադրել «Մխիթար Գոշ» անվանական կրթաթոշակի թեկնածու:

«Անգլերեն լեզու և գրականություն» մասնագիտության կրթական ծրագրի պատասխանատու Է. Թեմրազյանը նշեց, որ ուսանողների մեջ իր առաջադիմությամբ, կարգապահությամբ և ակտիվությամբ աչքի է ընկնում 4-րդ

կուրսի ուսանող Էդիտա Գրիգորյանը: Վերջինս մշտապես ակտիվ է թե՛ դասերի ընթացքում, թե՛ հասարակական հանձնարարություններ կատարելիս, հինգ կիսամյակ անընդմեջ ցուցաբերել է գերազանց առաջադիմություն, և այդ պատճառով նպատակահարմար է Էդիտա Գրիգորյանին առաջադրել «Շառլ Ազնավուր» անվանական կրթաթոշակի թեկնածու:

«Հայոց լեզու և գրականություն» կրթական ծրագրի պատասխանատու Լ. Թումանյանը «Հայոց լեզու և գրականություն» կրթական ծրագրի ուսանողներից առանձնացրեց 3-րդ կուրսի ուսանողուհի Անուշ Խաչատրյանի թեկնածությունը: Զեկուցողը նշեց, որ վերջինս երեք կիսամյակ անընդմեջ գերազանց առաջադիմություն ունի: Բացի այդ՝ Անուշ Խաչատրյանը ցուցաբերում է հասարակական ակտիվություն և օրինակելի վարք: Զեկուցողը առաջարկեց Անուշ Խաչատրյանին ներկայացնել որպես «Մոնթե Մելքոնյան» անվանական կրթաթոշակի թեկնածու:

«Ֆրանսերեն լեզու և գրականություն» կրթական ծրագրի պատասխանատու Ա. Մարդանյանը ներկայացրեց, որ տվյալ մասնագիտության ուսանողներից առաջադիմությամբ աչքի է ընկնում 3-րդ կուրսի ուսանողուհի Լուսյա Շախպարյանը: Նա վերջին չորս կիսամյակում ունի անընդմեջ գերազանց առաջադիմություն, և այդ պատճառով նպատակահարմար է Լուսյա Շախպարյանին առաջադրել «ԵՊՀ» անվանական կրթաթոշակի թեկնածու:

Մանկավարժության և հոգեբանության ամբիոնի վարիչի պաշտոնակատար Լ. Հարությունյանը «Տարրական մանկավարժություն և մեթոդիկա» կրթական ծրագրի ուսանողներից առանձնացրեց 4-րդ կուրսի ավագ Մերի Եզանյանի թեկնածությունը: Զեկուցողը նշեց, որ վերջինս չորս կիսամյակ անընդմեջ գերազանց առաջադիմություն ունի: Զեկուցողը առաջարկեց Մերի Եզանյանին ներկայացնել որպես «Դավիթ Անհաղթ» անվանական կրթաթոշակի թեկնածու:

Զեկուցողը «Տարրական մանկավարժություն և մեթոդիկա» կրթական ծրագրի ուսանողներից առանձնացրեց նաև 3-րդ կուրսի ավագ Տաթևիկ Վասիլյանի թեկնածությունը: Զեկուցողը նշեց, որ վերջինս չորս կիսամյակ անընդմեջ գերազանց առաջադիմություն ունի: Բացի այդ, Տաթևիկ Վասիլյանը ցուցաբերում է հասարակական ակտիվություն և օրինակելի վարք: Զեկուցողը առաջարկեց Տաթևիկ

Վասիլյանին ներկայացնել որպես «Վազգեն Սարգսյան» անվանական կրթաթոշակի թեկնածու:

ՈՐՈՇԵՑԻՆ.

Դիմել մասնաճյուղի տնօրինությանը՝ հաստատելու Նունե Քոչարյանին որպես «Մխիթար Գոշ», Լուսյա Շախպարյանին՝ «ԵՊՀ», Էդիտա Գրիգորյանին՝ «Շառլ Ազնավուր», Մերի Եզանյանին՝ «Դավիթ Անհաղթ», Տաթևիկ Վասիլյանին՝ «Վազգեն Սարգսյան» և Անուշ Խաչատրյանին՝ «Մոնթե Մելքոնյան» անվանական կրթաթոշակի թեկնածուներ:

ԼՍԵՑԻՆ .

Օրակարգի 5-րդ հարցի վերաբերյալ զեկուցեց ֆակուլտետի խորհրդի նախագահ Կ. Պողոսյանը: Զեկուցողը հանգամանորեն ներկայացրեց 2020-21 ուստարվա երկրորդ կիսամյակի լուծարքային քննաշրջանի նախապատրաստական աշխատանքների ընթացքը: Նա նշեց, որ լուծարքների հանձնումը նախատեսված է օգոստոսի 30-ից մինչև սեպտեմբերի 20-ը: Նշվեց, որ պատրաստ են առաջին լուծարքային շրջանի անհատական գրաֆիկները և հանձնարարեց ամբիոնի վարիչներին՝ առանձնահատուկ ուշադրության դարձնել պարտքերի վերահանձնման գործընթացներին: Անկախ պարտք ունեցող ուսանողների թվի՝ լուծարքները պետք է անցկացվեն հանձնաժողովի ներկայությամբ:

ՈՐՈՇԵՑԻՆ.

Լուծարքային շրջանի նախապատրաստական աշխատանքների կազմակերպման գործընթացը գնահատել բավարար:

ԽՈՐՀՐԴԻ ՆԱԽԱԳԱՀ

Կ. Պողոսյան

ՔԱՐՏՈՒՂԱՐ

Վ. Աղաբաբյան